



Republika e Kosovës

Republika Kosovo / Republic of Kosovo



Komuna e Rahovecit

Opština Orahovac / Municipality Rahovec



REPUBLIKA E KOSOVËS
REPUBLIKA KOSOVA




KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

-III- Nr. i prot. 203 Më 24.01.2022
Br. prot. Dt. 2022
RAHOVEC - ORAHOVAC

RAPORTI VJETOR I PUNËS

JANAR-DHJETOR 2021



2021

DREJTORIA PËR SHËNDETËSI DHE PËRKUJDESJE SOCIALE

Drejtoria për Shëndetësi dhe Përkujdesje Sociale, gjatë kësaj periudhe raportuese ka zhvilluar aktivitetet e saj në të gjitha fushat e veprimtarisë, me qëllim të rritjes së cilësisë të shërbimeve të kujdesit shëndetësor si dhe ngritjes së përgjithshme të cilësisë së jetës së qytetarëve të komunës, përfshirë këtu edhe mbështetjen në fushat e shërbimeve sociale dhe më gjerë.

Fushëveprimtaria e Drejtorisë për Shëndetësi dhe Mirëqenie Sociale është e bazuar në aktet normative në fuqi dhe në Planin e Punës për vitin 2021. Ky raport përfshin në mënyrë gjithëpërfshirëse shërbimet e ofruara në fushën e kujdesit parësor shëndetësor si dhe atë të veprimtarisë sociale, të arriturat dhe vështirësitë e hasura gjatë kësaj periudhe kohore.

Aktivitetet në periudhën: janar- dhjetor 2021

DSHPS qysh në fillim të vitit 2021 ka zhvilluar aktivitete të shumta, në kuadër të përgjegjësisë të përshkruara, kemi realizuar gjithë aktivitetet e planifikuara, janë mbështetur projektet në të gjitha fushat e veprimtari - shëndetësi dhe mirëqenie sociale. Gjatë kësaj periudhe raportuese ka vazhduar ofrimi i shërbimeve mjekësore me dy ndërrime në dy QMF-të, në Krushë të Madhe dhe Ratkoc, po ashtu në fshatrat Dejnë, Ratkoc dhe Krushë e Madhe, është shënuar përvjetori i dhurimit vullnetar të gjakut, dhurimi vullnetar i gjakut ka vazhduar edhe në fshatrat e tjera të komunës sonë. Në të gjitha shkollat e komunës së Rahovecit janë mbajtur ligjëratat për vetëdijësimin e popullatës kundër pickimit të rriqrave, dhe vetëdijësim të popullatës për mbrojtjen nga COVID-19.

Si drejtori, në funksion të mbrojtjes së shëndetit publik të popullatës dhe menaxhimit të situatës nga përhapja e Covid-19, kemi ngritur në nivel të lartë gatishmërinë për t'u ballafaquar me raste eventuale të këtij virusi, duke ndërmarr masa dhe veprime të nevojshme për parandalimin e infeksionit nga COVID-19.

Në mënyrë që të ofrojmë shërbime profesionale dhe të sigurta për qytetarët, në të dy QMF-të në Krushë të Madhe dhe Ratkoc, edhe ditën e shtunë po punohet me orar të rregullt.

Kemi bërë dezinfektimin e të gjitha objekteve dhe institucioneve publike, duke përfshirë të gjitha vendbanimet e komunës së Rahovecit, si: objektet shëndetësore (QKMF, QMF-të, AMF-të), objektet e administratës komunale, objektet fetare: (xhamitë dhe teqetë), Stacioni i Autobusëve, Stacioni Policor, objektet kulturore dhe ato sportive.

Është miratuar propozim-vendimi i kryetarit të komunës nga kuvendi komunal për subvencionim e të gjitha lindjeve në komunën e Rahovecit nga 200€, po ashtu po vazhdon ndarja e ndihmave momentale për familjet në nevojë-në këtë periudhë raportuese janë ndihmuar gjithsej: 146 familje në nevojë.

Në të gjitha shkollat e komunës së Rahovecit janë mbajtur ligjëratat për vetëdijësimin e popullatës kundër pickimit të rriqrave, dhe vetëdijësim të popullatës kundër COVID-19, poashtu janë bërë vizita periodike mjekësore në shkollat e komunës sonë.

Nga data 15.06.2021 ka filluar vaksinimi masiv i popullatës ku janë duke punuar katër ekipe mjekësore me ndërrime, mesatarisht vaksinohen deri në 300 qytetarë brenda ditës. Ekipet e vaksinimit anticovid tanimë, punojnë gjatë gjithë javës.

Me qëllim që të kemi një vlerësim më objektiv dhe më të qartë për gjendjen epidemiologjike me COVID 19, ekipi ynë i QKMF-së në Rahovec ka vazhduar të bëjë teste rapide, ku rezultatet janë të shpejta dhe të sakta

Me "KOSOVA MED", është duke u zhvilluar projekti "Home Care" që ka për qëllim realizimin e vizitave shtëpiake personave në regjim shtrati, në mungesë të stafit brenda QKMF-së për të ofruar shërbime shëndetësore, ky projekt poashtu ka zbutur shumë edhe mungesën e vazhdueshme të stafit në QKMF;

Kemi subvencionuar në vazhdimësi OJQ-të, që merren me veprimtari sociale, si shoqatat: Harea, Hendikos, dhe shumë shoqata tjera, po ashtu i kemi liruar nga obligimet e shërbimeve komunal

Kemi pajisur me karrige stomatologjike 5 QMF, në komunën tonë;

Sa i përket furnizimit me barna esenciale, komuna e Rahovecit, furnizohet rregullisht nga Ministria e Shëndetësisë, po ashtu kemi të lidhur edhe një kontratë për barnat emergjente, ndërkaq furnizimi me reagenca është i kënaqshëm dhe mund të kryhen të gjitha shërbimet laboratorike sipas udhëzimeve administrative që kryhen në kuadër të Kujdesit Parësor Shëndetësor;

Kemi nënshkruar Memorandum Bashkëpunimi me Bashkësinë Islame në Rahovec, për mbulimin e shpenzimeve të varrimit për qytetarët e komunës së Rahovecit;

Dixhitalizimi i Radiologjisë, është furnizuar QKMF-ja me pajisje moderne të EHO-s, për Radiologji, Gjineokologji, dhe Urologji, po ashtu gjatë kësaj periudhe raportuese jemi furnizuar edhe me Mamograf për diagnostifikim të hershëm të kancerit të gjirit, dhe Ortopan për nevojat e stomatologjisë;

22,836.80 euro janë dedikuar për mbështetje të familjeve në nevojë përmes projektit: "Furnizim me Material Ndërtimor për familjet në nevojë;

Ecuria e realizimit të projekteve kapitale

- Ndërtimi i QMF-së në fshatin Opterushë, punimet janë duke përfunduar.
- Ndërtimi i AMF-së në Lagjen Epërme- Po vazhdojnë punimet për ndërtimin e objektit të ri të Qendres së Mjekësisë Familjare në Lagjen e Epërme të Rahovecit. Kjo Shtëpi e Shëndetit është edhe një projekt i rëndësishëm drejt ofrimit të shërbimeve për qytetarët e kësaj lagjeje.

Mirëqenia Sociale:

Në kuadër të aktiviteteve nga fusha e mirëqenies sociale janë zhvilluar aktivitetet e parapara nga kjo fushëveprimtari, sipas ligjeve dhe rregulloreve në fuqi. Komisionet kanë punuar vazhdimisht në terren për evidentimin e familjeve në kushte të rënda sociale, dhe këto nevoja janë adresuar vazhdimisht në Qeverinë e Kosovës, donatorë vendor dhe të huaj, po ashtu, janë kontaktuar shoqata të ndryshme dhe OJQ vendore dhe ndërkombëtare. Pra, është intervenuar në të gjitha rastet që është krijuar mundësia.

Qendra për Punë Sociale dhe Organi i Kujdestarisë në kuadër të saj, si organ komunal profesional kompetent për çështje sociale, përgjegjës për mbrojtjen e interesave të fëmijëve dhe të rriturve, i përbërë nga një grup ekspertësh, ka ndërmarrë të gjitha veprimet për ofrimin e ndihmës për personat në nevojë sociale, sipas procedurave të caktuara, në përputhje me mandatin ligjor.

RAPORTI VJETOR I PUNËS

Drejtori i DSHPS-së

Samir Mustafa

